

## Sarkina Bt Mat Saad @ Shaari

**From:** UUM CORPORATE COMM.  
**Sent:** Wednesday, August 21, 2019 8:50 AM  
**To:** UUM - All Staff; UUM - All Students  
**Subject:** Big Tulip Summit 2.0 – Menginspirasi, Memperkasa Dan Mentransformasi Wanita



UUM Corporate Comm.  
Universiti Utara Malaysia

21 OGOS 2019 / 20 ZULHIJAH 1440H

=====

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar oleh: Muhammad Shamsul Shafie

### BIG TULIP SUMMIT 2.0 – MENGINSPIRASI, MEMPERKASA DAN MENTRANSFORMASI WANITA



**UUM ONLINE:** Pulau Pinang - Susulan kejayaan penganjuran sulungnya tahun lalu, Othman Yeop Abdullah Graduate School of Business (OYAGSB), Universiti Utara Malaysia (UUM) sekali lagi menganjurkan Big Tulip Summit, sidang kemuncak yang berperanan sebagai platform pembelajaran dan pemerkasaan pemimpin wanita yang bercita-cita tinggi untuk menyerlahkan potensi mereka.

Mengambil tema "Dare To Dream - Make It Happen," Big Tulip Summit 2019 dianjurkan dengan kerjasama Perbadanan Pembangunan Wanita Pulau Pinang (PWDC) dan mendapat sokongan daripada Kementerian Pembangunan Wanita, Keluarga dan Masyarakat serta Kerajaan Negeri Pulau Pinang.

Perasmiannya telah disempurnakan oleh Ketua Menteri Pulau Pinang, Yang Amat Berhormat Tuan Chow Kon Yeow.

"Tahniah kepada UUM dan OYAGSB atas penganjuran Big Tulip Summit yang menyediakan platform kepada golongan wanita untuk belajar, membina rangkaian, bertukar idea dan melaksanakan amalan terbaik.

"Saya amat kagum dengan komitmen UUM dalam memperjuangkan pemerkasaan wanita dan terharu dengan keupayaannya menghimpunkan ramai tokoh terkemuka, penceramah inspirasi dan pembuat keputusan untuk berkongsi cerita kejayaan mereka dengan para peserta," ujarnya ketika menyampaikan ucapan perasmian.

Menyentuh mengenai isu pemerkasaan wanita, YAB Tuan Chow berkata negeri Pulau Pinang bukan sahaja aktif dan progresif tetapi memainkan peranan utama dalam memperkasakan kaum wanita atau lebih dikenali sebagai 'keterangkuman gender (gender inclusiveness)' dalam dasar negeri itu.

"Apabila wawasan Penang2030 diperkenalkan tahun lalu, kami berazam untuk mewujudkan negeri yang inklusif dan berpusatkan rakyat. Dalam menjadikan ianya suatu kenyataan, keterangkuman gender adalah komponen utama untuk merangsang pembangunan ekonomi dan kesejahteraan umum.

"Dengan meletakkan perkara ini sebagai objektif, kerajaan negeri Pulau Pinang telah berjanji untuk mentransformasi pandangan ortodoks masyarakat mengenai peranan lelaki dan wanita kepada pandangan di mana golongan wanita berpeluang untuk mencapai potensi mereka," katanya.

Tambah beliau dalam menyokong wawasan Penang2030 juga, negeri itu telah mengadaptasi Dasar Keterangkuman Gender, menjadikannya negeri pertama yang mengguna pakai dasar sedemikian di Malaysia.

"Dasar ini menggalakkan pengurusan seimbang jantina dengan mencapai nisbah 40:40:20 atau 40% wanita, 40% lelaki dan 20% terbuka untuk kedua-dua lelaki atau wanita, terutama dalam kedudukan kepimpinan," jelasnya.

Sementara itu Naib Canselor, Prof. Dr. Ahmad Bashawir Abdul Ghani berkata UUM telah mengkonsepkan dan membangunkan Big Tulip Summit sebagai platform pembelajaran dan pemerkasaan bagi para pemimpin yang bercita-cita untuk menyerlahkan potensi mereka dan berkembang di dalam konteks kepelbagaian dan penyertaan di tempat kerja, dengan fokus yang jelas iaitu menutup jurang gender dalam pekerjaan.

Menurutnya Big Tulip Summit diiktiraf secara rasmi dan diberikan status sebagai Program Wanita Kebangsaan Yang Memberikan Inspirasi oleh YAB Dato' Seri Dr. Wan Azizah Wan Ismail, Timbalan Perdana Menteri Malaysia merangkap Menteri Pembangunan Wanita, Keluarga dan Masyarakat semasa penganjuran sulungnya pada 3 Disember 2018 di Kuala Lumpur.

Majlis perasmian Big Tulip Summit 2019 turut diisi dengan ucap tama bertajuk "Equality Is My Dream" yang disampaikan oleh EXCO Pembangunan Wanita & Keluarga, Keterangkuman Gender dan Agama Selain Islam merangkap Pengerusi PWDC, YB Puan Chong Eng.

Big Tulip Summit 2019 yang berlangsung selama dua hari mulai 20 Ogos menghimpunkan penceramah dan ahli panel berpengaruh dan berinspirasi terdiri daripada pemimpin terkemuka, tokoh lelaki dan wanita berjaya.

Tokoh-tokoh pemimpin ini berkongsi pengalaman kepimpinan, pengetahuan dan kisah profesional dan peribadi untuk memberi inspirasi kepada kira-kira 230 peserta.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.